



亞洲專業保安協會香港分會 慶祝 20 週年暨聖誕聯歡晚會

會長 李炳華 先生致辭

女士們 先生們 各位來賓

好歡迎大家今晚出席

亞洲專業保安協會 香港分會 成立 20 周年慶典晚會，我地係好高興 好榮幸
邀請到以下嘅尊敬嘉賓蒞臨出席，係有

中央人民政府駐香港特別行政區聯絡辦公室
九龍工作部
王國海副處長

香港保安及護衛業 管理委員會
湛家雄主席 **BBS MH JP**

特別遠道由北京抵港出席嘅
中國保安協會
金玉蘭副秘書長
好感謝國家對香港分會嘅關懷 愛護 同埋支持

職業訓練局
梁劍衡高級項目主任

香港保安業協會 執行總監
鄧國海先生

國際專業保安協會 香港
葉建文培訓總監

保安業商會
林美卿秘書長

美國 ASIS Mr. Tyn Van Amelsfoort

借呢個機會 本人謹代表 亞洲專業保安協會 香港分會全體全人 向今晚出席嘅各位尊敬嘉賓 *表示由衷感謝感謝你地嘅過往 20 年以來對我分會嘅支持 同理鼓勵 使我地分會得以穩步成長，一步一腳印 嘅保安服務行業持續發展，提升保安行業嘅專業性，更有效咁服務香港社會，非常感謝。

亦要喺呢度 感謝我地嘅前任會長 *吳常樂前會長 *李國榮前會長，喺你地領導下，分會事務取得卓越嘅成就，強化咗分會 與亞洲各國 保安業界嘅聯繫，同理加強咗分會 同政府有關部門溝通，釐定咗分會嘅發展方向，當然，更加要感謝我地一班 *堅守專業信念嘅委員，會員，冇你地積極 參與投入，分會係唔可能發展到今日呢個成績，*非常感謝您地對分會嘅愛護同理支持。

回顧過往 20 年，香港經歷大大小小嘅挑戰，亞洲專業保安協會 一如既往，矢志不渝地 堅守專業發展嘅信念，我地係籍著亞洲保安專業協會 呢個平臺 不斷加強保持與亞洲各國，國內同理臺灣澳門業界聯繫，相互交流業界最新訊息，提升管理同理技術水平，喺香港，分會與合作培訓機構協辦培訓課程，包括保安導師課程，保安管理督導課程，保安防盜系統課程等等，為保安業培訓更多專業人才更好咁服務社會。

截至 2014 年 4 月 30 日，政府公佈持牌保安營運商有 9 百幾家，持有效保安證嘅從業員多達 29 萬幾人，以一個香港彈丸之地，700 幾萬人口嘅城市，保安業是一個非常龐大嘅服務行業，同市民日常生活息息相關。香港被公認為世界上最安全城市之一！！希望唔好因為最近 2 個多月以來所發生嘅事情有所改變影響香港呢個前人辛苦經營之安全城市美譽，*在座各位尊敬保安工作嘅同事，包括你地所屬專業保安協會，保安商會喺呢方面*係有功不可沒嘅貢獻，*冇在座各位積極推動保安事業發展，*香港係唔可能享有呢個良好國際聲譽。

同世界上好多地方一樣，香港亦面臨人口老化問題，香港保安業需要更多有受過專業培訓嘅青年才俊加入保安服務業先可以不斷地持續發展，無論係理論培訓，專業管理，技術提升各方面都需要與時並進面對日新月異來自社會

方方面面嘅挑戰。

服務業喺香港係有好大嘅潛力同埋進一步嘅發展空間，而人才培訓係服務業發展嘅關鍵性因素，合規嘅專業理論，管理，技術課程係培訓人才不可或缺嘅基本元素。我希望政府有關當局喺發展專業服務，職業教育主流體制內，能夠增撥更多嘅資源，整合保安專業教育培訓課程，*使更多有志嘅年青人投身服務行業，接受專業教育訓練，*使年青人更驕傲地服務社會，*更自豪地服務佢地所屬嘅行業，*更以服務保安業為榮。

最後，再一次多謝你地嘅光臨出席今晚嘅晚會，希望大家有一個愉快嘅晚上。

多謝各位

2014年12月10日